

HM/11

6

763. (15)\*

K34/75 J.C. Maloka.

0-16

Kinship and related matters Molepo's

1/10

1

16. Bomoloko, Tswalano, Malao ya Boithswaro.

Mo sethsabeng sa xa Molepo, batho bao ba bitswaxo ba xa Molepo ke batho bao ba tswelaxo kua theko ya Tswetla ke Makhalaka, ba ile xe ba fihla lefaseng le, ba hwetsa e le lefase leo le busaxo ke Makubu, ba xa Pelo ya kxomo ya marexa se lapitsea moxwanyeng bao mommchla ba bitswang ba Molelemane a Maloka. Yena Molelemane abe a e na le sehlapelo mose xa a Maphaka, yena Molepo a re xo fihla a e neela ka fase xa lekubu leo Molelemane a buswa ke yena ka mengwaxa ye metelele ka moraxo a tenwa ke puso ya Molelemane xomme a lwa le yena. A tseela Molelemane boxosi. O hweditse lefase le le bitswa Bosexa ka mosexa ola ba bile ba re ke xa Seroxole Mmapelwana, xa pelo ya kxomo ya marexa selapisetsa moxwanyeng.

2

Molepo a re xo ba fenya, a napa a tsea sereto sela sa bona sa Serexole, a re ke xa Seroxole Mmathswane tlou setumula moxaba tlouwana tsa ja kxabane, le yana a ba a tsea le lebitso la Bosexa a re ke nna Mmathswane a Bosexa, ke xore Mmathswane e be e le lebitso la yona kxosi ya xa Molepo. Ka baka la ona mokxwa ouwe batho ba tswelang Bohlabela (bohlabana tsatsi) xo lefase la xa Molepo, ba re xe ba etla xo lona ba re re ya Makubung, motho yo mongwe le o mongwe wa lona ba mmitisa lekubu. Ba tswelang Leboa kua theko ya xa Mamabolo bona xe ba etla xa Molepo ba re re ya Bosexa. Iyale xe bona batho bauwe ba xa Molepo xe ba be ba re Seroxole Mmathswane tlou Setumula moxaba ke xore ba bina tlou. Hono ona moloko ouwe o aroxane ka mabitso (naina) le xe fela tlou yona basa bina tlou e tee. Xomme sereto ba sa retwa ka sereto se tee, ka xobane ka moka ba sa retwa ka xore, Axee! Tlou Mpedi selema, xomme ba sa tseba mokxwa oo la tswalaneng ka ona, le xe xo le byalo ba aroxane kudu ka dikxoro xa basa phela xo tee ba phatlalitse le selete se. Xo na le Molepo, xo na le Masexela le Moxudi, xo na le Xole, le Leputu, le Mankxatleng le Setlalekxomo le Tlou ya kxatla, le Sebati.

3

Xomme xa ba phele xo tee ba xasane ka dihlopha xona xe ba le'rao yo  
 moxolo xo bona ke Masexela, xo bane ba sa tseba xobane e be e le  
 yo moxolo xona lehono e setse Masexela, le Xole le Leputu e setse  
 e le kxosi tsa xo loma lerotse ke xore ke bona bao e lexo ba baxolo  
 xomme xa basa busa, ka xobane a sana matla a bolaodi. Xomme kxosi  
 yeo e busaxo ke Molepo athena le bona bao ke bona ba xa Molepo,  
 ba diilo xo aroxana ka mabitso (maina) byalo maina ao a fetoxile  
 4 methopho. Le xe xo le byalo xa ba sa kxobokana kxorong e tee xo  
 xo rerisana ditaba ba dio kopana ka mohla dipitso le sethsaba  
 kxorong xomme ba ka xopolwa xe ba ka nthsiwa ke dihlako mohla xo  
 laolwa meriri ya dialoxa tsa madikana xoba tsa maxwera xobane  
 bodikana xe bo wela bo le komeng xa bo ke bo kotwa xoba bya  
 boolwa meriri, xe bo sa wela bo re xo aloxa bya dula kxorong  
 ya mosate e le dialoxa tseo di tlotsexo matsoku, xomme xo tla ba le  
 letsatsi leo xo tlaxo xo bitswa basadi ba tla xo boola dialoxa xomme  
 ba tla dikota ba fokotsa meriri yela e dikilexo e sa kotwe, xomme  
 ba kxobakanthsa meriri yeo ya bona xomme dingaka tsa e laola xore  
 di bone xore e swanelwa xo lahlwa kae, mohlomong dihlako di  
 kanthsa le lengwe la masope a tsona dikxosi tseo xore meriri e swa-  
 nelwa xo yo lahlwa xona, mo xongwe tsa nthsa xore meriri e yo  
 lahlwa ke o mongwe wa bona ke moo ba keng ba ba xopolwe xobane ke  
 5 dikxosi. Anheng le xona kua dikwensong (mabollong) ngwana wa  
 kxosi xa a ke a eta bana ba bona pele le xe ba dutse ba boxa  
 dikoma ka xobane ba thsaba xore ke yo moxolo xo bona, e ba re ngwa-  
 na yo o wa kxosi a ka silufala ka xobane a tla ba a tsere  
 dithswanelo tseo e se bexo tsa xaxwe xa e le mo diaxelong tsa motse  
 xa ba na kabelo efe ba bonala byale ka xe e ka xa se moloko o tee  
 le ba Mosate xobane le xe ba tseisa bana ba bona xa ba xopolane selo  
 Xomme mo sethsabeng sa xa Molepo xo na le maxoto a manthei (m tona)  
 ke ntona Molelemane le Mogano le Mothapo le Mojapelo le Molema,  
 le Lekxothwane le Madiga, ona ke ao e seng bexo a leloko la xa Mo-  
 molepo, a tsweleng lelokong la xa Molepo matona, ke Sebati ke

Limankxatleng ke Maswahla ke Rampheri ke tlou ya kxatla (Sondaga) a napile a tlatsa ke matona a lekubu Molelemanane e le xo Tema le Motimele le Mokou, ona ke a Molelemanane ao matona xamoxo le maloka.

- 6 Dikxoro tseo di xopolwang xobane ke ba baxolo mo sethsabeng ke Molelemanane ka xobane ena o tsea leoto (o wa latela) ba mosate ba mo file kabelo yeo ka xobane lefase le e le labo o latelwa ke Mogano ena o tsea letsoxo ke ona matona a sethsaba se, ba banthsi bona e dioba matona a mothselo wa lekxotho (opo xafo) xomme ka moka le xe xo le byalo a bitswa matona a xa Molepo kantle le tema a noxo xo thoma xo kwalaxala matsatsi a, xomme tsona dikxoro tse xa xo ile xo tseelana xo bona ba a tseelana (nyalana) xa e sita le bona ka makxatheng a bona xs xo na moila ba tseana byale ka xe re ka nore, Molepo o tsere ngwana Molepo, Sebati o tsere ngwana Sebati, Madiga o tsere ngwana Madiga. Xomme ona matona ao kxosi Molepo o kxona xo tsea morodi wa xaxwe a mo fa ntona ye nngwe xore a buse ka yena, xoba a tsee morodi
- 7 wa ntona ye nngwe ebe mosadi wa xaxwe feela motho yo mongwe yoo a kanong xo mo tsea ntoneng ye nngwe xoba mothong yo mongwe, a ka se ke a busa ka yena xobane yoo a swanetseng xo busa sethsabeng se e ka ba ngwana Phohu. Xe a ka busa ka motho yo mongwe ke xe xo hlokaxala motho ka lwapeng labo xa Phohu, xomme meloko yohle le ba xa Molepo kxosi Molepo a kano ba fa ngwana wa xaxwe le bana ba kano xo mo fa ngwana wa bona feela xe e le kxosi Molelemanane xa se a ka a tsea ngwana wa kxosi Molepo le yena kxosi Molelemanane xa xo moila molato e sa le xo tloxa lehufeng la marumo ka xe ba ile ba lwa ka xe re kwele xobane Molepo ke Lekxalaka, Molelemanane ke Letebele, xomme taba ye ya lehufa xo bonaxala xore xa e hlaxale.
- 8 dipeleng tsa bona le xo xopolexa xa e xopolexe taba ya tseano maxareng xa bona, mahufa ohle a batho a fela, xomme lehufa la marumo xa le fele le xopolexa xo isa melokong ya ditloxolo,

empa taba ye e ya makatsa xe ba sa tseelane byalo, mmuso wa xa Molepo o swere ke ona Makubu Molelemanane o o thekxile xore borena bya ona bo tiye bo se ke bya phumexa o o babalela ka hlokomelo le xe xo le byalo xa ba tseelane.

9 Komme leloko la batho bao e lexo badi a tee ba ke ba dio tseelana, rena le diema tse pedi mo makxatheng a madi le madi, seema sere, " Ngwana Rangwane ntsee kxomo di boele sakeng". Se sengwe sona sere, "Re fapanthisitse maoto dikxoxeng (maxoxweng) xore ngwana Rangwane ntseye", bara batho ba soro le tee bao makxolo-khukhu wa bona e bexo motho o tee ke xore ba ka sorong le lexolo ba ka tsea mosadi ka sorong le le nyenyane la xa Rangwane. Mohlomong ba ka sorong le lenyane la xa Rangwane ba ka tsea mosadi ka sorong le lexolo la xa Ramoxolo, fao xo ke xore xe xo hlaxa thsolaxalo xo bana xe ba re ba tseana e ka re xo o tsea ke kxaitsemi na ngwana Ramoxolwaxo, xoba o tsea kxaitsemi na ngwana Rangwane waxe. Ke moo xo kexo xo rotoxe lentsu le lerexo seema sa mokolo-xolo sere, ngwana rangwane ntseye kxomo di boele sakeng, seo se reng re fapanthisitse maoto k dikxoxongra xe nka tsea mosadi xo barwa ba kete xomme bara bakete le bona ba kxanyoxa mo thepa ba tseya ka xa Rangwane xoba ka xa Ramoxolo, fao re fapanthisitse maoto dikxoxong. Xe leloko lena la bo Rangwane le bo Ramoxolo le tseelana therong ya melato ya bona ba bitsana ka xoba bo moja xo bedi, moja xo bedi ke motho yoo a reraxo molato byalo ka kxadixe e tseya mosadi kua xa xabo.

10 A re reng mohlomongwe kxadi ye e yetsa e le ngwana maloka a tserwe xa Molepo, hong a ne morwa, morwa wa xaxwe ba tla mo isa xa makxolo waxwe ba tla xo nyaka mosadi, xe bale ba xa Molepo ba tlisitse ola motloxolo wa xa Maloka, sephiring sa bona xe ba rera ba xa Molepo, ba tla bitsa kxaitsemi yela ya bona yonola a tserweng xa Molepo yonola ba tllileng xo sebana ka taba tsa xaxwe ba tla mmitsa xore a be nabo xona moo thopeng, nthena maabane mola

ba xa molepo ba rera xo isa ngwana wa bonaxa Maloka wa e nabo xona  
 mo thopeng ya bona, ka xobane tabatseo di bexo di rerwa tse ke  
 tsare le xe xo ka ba le phapang maxareng a xa bauwe le bale ba bo-  
 radi ba re ba mo thsela ditaba moia ba kxobakane ka xobane e le wa  
 xabo bona ba mmikile, mohlomong molato yoo e le wa xaxwe a sekisana  
 11 le ba xabo le xona ba swanetse xo mothsela bona ba ba xabo, ba re:  
 Si tsiuwe rakxadi, xape o moja xo bedi, xo dutse byalo xona kua  
 xo bo rangwane le bo ramoxolo xe dikxomo di etswa kaxa rangwane  
 di yo nywala ka xa ramoxolo e nolo ramoxolo o swanela xo bitswa  
 xona ka kua xa rangwane ba rera le yena, mme xe xo yo rerwa ka  
 kua xa ramoxolo rangwane le yena o swanetse xo ya ba yo rera le  
 yena ka xobane yono ramoxolo ngwana yo ke wa xaxwe le yono rangwane  
 ngwana yo wa ramoxolo ke wa xaxwe, xape le xe ba sa tseelane seenye  
 xo tsea motho wa ka kxakala eno ramoxolo xe xo tsea ngwana wa  
 rangwane o tlile xo ahlola ke yena a fa bale barwa ba kete, le  
 rangwane xe xo tsea ngwana wa Ramoxolo ditaba di tlilo xo ahlolwa  
 ke yena a fa bale barwa ba kete mosadi, le xo kxadi xo dutse byalo  
 xe xo sa tseye yena kxadi ka noosi xo tsea motho wa kxakala ba tla  
 12 re xe bona ba setse ba dumela ba kwane naye ba tla bitsa kxadi  
 xore e tle e fe ola morwa kete mosadi, xe kxadi e sa na maxetla  
 ( a se na ngwana yoo a ka tseang xa malome waxwe, xoba a sa rate xo  
 tsea xa xabo) o tla ya a efa motho yoo a tseyexo mosadi, o tla re  
 xo fihla ba re xo yena ba re, Rakxadi ba xa mokete ba re re  
 beeleng mpyenyana, hono rere nna wena o reng kxadi? Yena o tla  
 butsisa a re na ba xa mokete mpyenyana yo ba rexo re beeleng  
 mpyenyana ba ra e fe? Babo ba tla mo hlaloseeta ba re ba xoka  
 mokete, ka xobane Sesotho xe motho a xoka mothepa xa a ke a re  
 ke tlile xo xoka, o re ke tlile xo beelwa mpyenyana hong kxadi ye-  
 uwe xe e sa rate o tla xana a re nna xa se rate xe a tsea ke  
 ba xa mokete, o tla re nna kea mo tsea xona fao lexe ba be ba kwane

- 13 ba ratana ditaba di tla senyexa kxadi ya mo tsea, xe a sa rate  
 xo di senya o tla mo lokolla ka xobane kxadi e na le maatla dita-  
 beng tsa lwapa labo ka laka leo re na le seema se se moretang  
 seo se bileng se re pakelang ka moo a nang le maatla ka xona,  
 seema seo se re, "Kxadi ya mma sexadika dithaka le dithotse, e e  
 hwetsaxo nama di abilwe ya fihla ka xo abolla xe ba re mma sexadika  
 dithaha le dithotse ke xore ditaba ka moka di ahlolwa ke yena, xe  
 ba re e hwetsa dinama di abilwe e fihla ka xo abolla ba ra xe a re  
 a hwetse ditaba di boletswe xoba molato o ahlotswe a fihla a ahlolla  
 xape le banna ba dihlako ba ne le seema seo ba mmolelaxo ka sona  
 dihlakong ba re, "Se betla mpheng a kxadi a betle e be molelele  
 kxadi e melemelo mebe e re mellwaneng ya masemo ya lema ya re le  
 mose wa noka ya lema, xe ba rialo bara xore e ahlola mo xongwe  
 le xo xongwe le xona kua diemeng xo xana le se sengwe seo ba mo  
 retang ka sona xe ba reta kxadi ye kxolo ba re, "Kxadi e kxolo ya  
 lephepela ka ngweta". Ke xore ngweta ke lesela le letala leo  
 14 baxale ba bexo ba itata ka lona xe ba e ya marumong. Kxadi e  
 hlompwa ka mokxwa o, xape le wona mabitso xe bathea mabitso  
 (maina) ba thea bana a thea ke tsona dikxadi etswa ba fuwa hlomphe  
 ya bokxadi, empa xe e le xo dumedisa ba no dumediswa le xo hlompwa  
 e seng xo fitisa ba bangwe, etswa tumediso yona ye ya Sesotho e  
 se na kxetholoxano ya dinako byalo ka bo xosasa le masehare le  
 mantseboya, basimanyana xoba masoxana xe ba hwetsa banna kxorong  
 xosasa ba nore "Morena" le mosehare le mantsiboya ba dumedisa  
 ka ona mokxwa o.

- Basadi bona ba no re "Re a lotsha xoba re a loba" morlomongwe  
 ba ka no dumedisa motho ka moano wa xabo, ba etsa moxongwe ba re  
 "Mpedi" moxongwe ba no bitsa ka phoofolo yeo a e binang ba re "Tlou  
 moxongwe ba no etsa xe ba reta matebele ba re "Mothokwa" xoba  
 Lotebele, xa esita le yona kxosi xe e sexe ba ka re xe ba mo  
 15 hwetsa ba mo dumedisa ka moano wa xabo xe ba mo hwetsa xoba ena  
 kxosi a ba hwetsa a re morena bo mma ba tla mo reta ka sereto sa

xabo e tla napa yaba moka, ba tla napa la thoma xo butsisana le yena maphelo xa ba sa na tumediso ye nngwe yeo ba ka mo dielang yona, athena xe e le banna ba swanela xore xe ba mo hwetsa ba tla fihla ba mo dumedisa a ka no fihla a re xo yena "Thobela morena" xoba a no re morena xommo a tloxa a thoma a re ouwe a mo hwetsaxo a e na ye a re dumedisa kxosi xoba lothsa kxosi, xomme yola o tla re xo kxosi a re mokete o a lothsa xoba mokete o re diatla xoba mokete o a dumedisa xoba o re lothsa kxosi. Fao kxosi e tla leboxa ya re rea e leboxa le xe xo ka tswela kxosi e hwetsa le dutse o tla re xo fihla a le dumedisa le re morena xoba a re dumelang lena la re morena, le na le tla tloxa la thoma ka boswa la mo dumedisa, la re dumedisa kxosi, lexe o ketse ke swanetse xo mo dumedisa ka re mola ke feditse ka tla ka mo dumedisa ka tumediso yeo e mo swanelang ka re, Maloka o a lothsa xoba Maloka o re diatla ke yona thuriso (tlotliso) le hlomphe ya kxosi.

Mohlomong a ka no re xe a rotoxa ba napa ba mo reta bare thobela batho kole a masako ngwana a semammanyana a semammanyana, etse le xe ba e kxorong xe a t bolela bafela ba mo reta xe xo rerwa melato ba re kxosi (xa e ake xae a ketse) ba fela ba re moswana xa a hlabe thobela xa o na meutlwa thobela, moschla o a hlaba thobela, etse le xe xo tswetse mokxomana xore xa batho e se kxosi ba mo dumedisa byalo ka kxosi, xobane re na le seema sa moxolo-xolo se se rexo, "Bana ba kxosi re loba bohle (ka moka) xobane wa tlang xo dula boxosi xa a tsebye. Xe e le tumediso ya baeng le yena xe a fihla xo lena o tla re xo fihla a bona yo mongwe yeo e kaxo ke yo monyane xo lena a re xo yena, a re lothsa banna, xomme xe a lothsitse o tla leboxiwa xomme o tla kxona xo rotosa dipolelo tsa xaxw, le xe e se kxorong, mtseng oo a tseneng xo ona, o tla dumedisa ka lwapeng leo a tsenexo ka xo lona xape lexe e se moeng e le motho wa motse o mongwe wa geno a le hwetsa letsemeng la

16

17

lyala o swanela ke xo dumedisa, xape motho xe a sa dumedise etswa a tseba molao ke xore o a nyatsa, motho le xe e ka ba o mokolo xoba kxosi xe a tloxile lefaseng la xabo a etetse xo xongwe o swanela xo fihla a dumedisa ka baka lena re na le seema se sengwe seo se rexo, "Phukume ya thsela moedi ke tahlane" xo rialo ke xore kxosi xe e ile lefaseng le lengwe leo le naxo le kxosi esele xa e sa le yo mokolo, byale xe kxosi e tloxile faseng la xabo. xa e sa le kxosi.

- 18 Basadi ba a hlompšana ka kwelo ya bona, bao ba wetsexo pele ba hlompšwa ke bao ba wetsexo moraxo xa bona, ba wetsexo pele le xe e ka ba yo monyenyane konne wa wetsexo moraxo yaba ke yo mokolo ka matswalong a mengwaxa a feta wa wetsexo pele le ka bokolo, o tšano xo hlompša yola a wetsexo pele ka baka la xore o wetse le bo mokolwaxe, xape xo na le mabitso a hlonepho xo bona basadi ao ba a theyaxo konena xe ba etswa xo wela, a mabyalo ka a bo Raesibe le bo Ramatsimela le a mangwe a mabyalo ka ao. Mabitso ao a mabyalo xo bona basadi ke mabitso a hlonepho ba bitsana ka ona xo isa lehung le xe e le bakxekolo, athena xe e le ditumedisano tsa bona, bano dumedisana ka xore rea lothsa, mongwe a re xo lothsa rena, mokhomong basadi ba retana ka direto xe ba dumedisana, tse di byalo ka tsa bo moloxadi le bo Pheladi le bo Larumo,
- 19 ebe ke xona xe ba dumedisana. Ditumedisano tse di byalo di atisa xoba banenyaneng e seng xo basadi, xa e le monna yena xe a hwetsa banna ba dutse kapa basadi ba dutse, o ba dumedisana tumedisano ya xore morena, xa e le xo mo fetola xo mo araba tumedisano ya xaxe ba kano xo mo fetola ka direto tseo di fapaneng, xe e le dithaka tsa xaxe ba kano xo mo dumedisana ka lebitso la xaxe ba re dumela mokete bangwe ba mo dumedisana ka mothopho wa xabo bangwe ba mo dumedisana moano ka phoofolo yeo a e binaxo byale ka xe ba ka re Tlou bangwe ba re lpedi, ba kxalabye mokongwe xe ba se ba

20

mo du edisa ka mothopho le moano le sereto moxongwe ba ka nore  
 Axee! Papa! Ka xobane xosasa le masehare le ona nthapama le  
 mantsetoaya le bosexo byo bcxolo ba no xo dumedisana ka tsela e  
 tee eo e swanaxo. Xona fao xo na le dipkapa-phapano tsa meila,  
 xe motho a ka re xe a tswela a hwetsa banna bao elexo ba baxolo  
 xo yena ba dutse, yena a no fihla a bolela le bolela le bona a  
 no ema ka maoto a se a dula fase ke xo nyatsa, ebile ke xo nyatsexa  
 xa xaxe motho o swanetse xo fihla a dula fase, xonne a thoma a du-  
 medisa banna, a thoma xo hlaxisa (xo rotosa) ditaba tsa xaxe  
 o tla arakya xabotse ka hlomphe, atheng xe a kano xo fihla a ema  
 ka maoto a kano se hlomphe le xo arakya xabotse, ka xobane a  
 tswetse ka ntwana, le xo hloka boikakotetso a ka thsexa moxongwe a  
 arabiwa ka lentso la xore, dula fase o se e wa hlwa o re emele-  
 ditse mo, ke rena baxwera baxaxo na? O tla tloxa o fofa,  
 dingaka tsa rena o a di tseta na? Re thusitse ka mothuso o  
 tee le wena? Ma xobane re kwa xoba mehleng ya dingaka tsa

21

maxale di ke di thusa batho ka mekxwa yeo e fapa-fapanexo, motho  
 xe a bea ka fihla xo lena ese yeo a thusitsexo ke nyaka e tee le  
 lena, a re xo fihla a le emeletsa ka maoto a kano xo thsoxa a  
 tsea maduma a lena xoba a le fa maduma a xaxe xoba a thsoxa a  
 taboxela xodimo a cwa fase xonane dihlare tse di bexo mo meleno  
 ya lena, di alwa ka xobane e se tsa ngaka e tee, xape molao o  
 xanaxe ngwana a dula setulo le fsika la sebuso ba re xo yena,  
 maxala a marumo a tla tla xo wena o tla ba madimabe, xobane lerumo  
 le loutswa mo seloutsong le thswana le mphaka ka baka leo o tla ba  
 madimabe ka xobane o dutse seloutso seo maxale ka moka a loutswang  
 xona, xape le xona motho xa a dumelwe xore a re xe a bolela le  
 yo mongwe a na a mosupa ka monwana wa thsupa baldi, etswa ba  
 sa lwe, xape le xona le xe re setse re fapane

22

wa fela o nthsupa ka monwana wa thsupa baloi o re ke tla xo  
 betha ke tla xo betha, xe ke kxona ke kxona xo no xo o swara ka  
 o roba monwana o, ka xobane monwana ona wa thsupa baloi ke o  
 mobe ka xe e le o supang ka boloi, xo nyaka xo hlabisa motho madi  
 ka xona kapa xo mo loya ka tseka efe le efe, byalo xe seemasa  
 motala se re, "Ngwana maxana xo botswa o wetse dikomeng a re dikoma  
 ke tseso," ke xo etsa xore popotelo e sa kwexo e wetse xaleng  
 la mohwelere byalo ka xe motho a ka re xe a botswa a nyatsa a re  
 tseuwe xa se selo a tloxa a wela kotsing ka nyatso ya xaxwe, athena  
 yona melao ye motho yo mongwe le yo mongwe o swanetse xo e rutwa  
 lapeng labo ke batswadi ba xaxwe xobane xe a sitile xo kwa  
 batswadi ke yona thsita baloi, xape le xona komeng ba mo laya  
 hlomphe e tswa le yena a tla hlomphe ke meroto yeo e molatelaxo, xo-  
 mme ditaba ke tsona tseo.

END S. 763.